



2015-mut  
Qaasuitsup Kommuniiani  
Piareersarfiit  
pillugit  
isumaqatigiissusiamut ilanngussa  
anguniagassatullu inernerisassat



## Imarisai

Aallarniut .....	2
1) Piareersarfinnut tapiissutit .....	3
2) Suliffissaaleqisunut immikkut ittumik iliuuserisat .....	3
3) 15-iniit 18-it tikillugit ukiulinnut immikkut suliniuteqarneq.....	4
4) Qitiusumik qinnuteqarfissat.....	4
5) Inernerisassatut anguniakkat.....	4
6) Piareersarfinnut ingerlatsineranut tapiissutit.....	5
7) Suliffeqanngitsunut iliuusissatut pilersaarutit 2015.....	5
8) Ilinniagaqarnersiuteqartussanut amerlassusiliinerit.....	8

## Aallarniut

Namminersorlutik Oqartussat aamma Qaasuitsup Kommunalu akornanni kiffartuussinissamik isumaqatigiissutip aallaavigalugu Piareersarfinnut 1. januar – 31. december 2015-mut ingerlatsinerannut ilassutitut immikkut isumaqatigiissuteqartoqarpoq.

Piareersarfinni qitiusumik ingerlatsiviit suliaminnik ingerlatsinerat il.il. pillugit naliliisarneq pillugu *Namminersornerullutik Oqartussat nalunaarutaat nr. 17, 16. oktober 2007-imeersoq* malillugu § 6, imm. 1 aamma 2 naapertorlugit immikkoortut arlallit taaneqarput kommunalbestyrelsip Suliffeqarnermut Inuussutissarsiutinullu ilinniartitaaneranut Pisortaqarfimmu (mæanna Inuussutissarsioreranut, Suliffeqarnermut Niuernernullu Naalakkersuisoqarfik) nalunaarutigineqartartussatut kissaatigisat.

Kommunimut ingerlatsineranut tapiissutit aningaasarsiat akillu nalinginnaasumik qaffakkiartorerat aammalu kommunimi pineqartumi inuussutissarsiutinut ilinniartitaanerni lærlingit amerlassusiat tunngavigalugit iluarsivigineqartarput (1,03 % 2015-mut). Ilinniagaqarnersiuteqarfiusut amerlassusissaat aningaasanut inatsit naapertorlugu aningaasaliissutit malillugit naleqqussarneqartarput.

Isumaqatigiissusiamut ilanngussap imarivai Piareersarfinnut ataatsimut tapiissutit, suliffissaaleqisunut suliniutit, inuussuttuaqqanut suliniutit, qitiusumik qinnuteqarfissat, resultatmål, ingerlatsineranut tapiissutit, Suliffeqanngitsunut iliuusissatut pilersaarutit 2015 aamma 2015-mut ilinniagaqarnersiutissat.



1) Piareersarfinnut tapiissutit

Illoqarfii	Ilinniagaqarnersutit		Qaammatt	Akissarsianut atortunullu tapiissutit	
	Agguakka	Suliffissaaleqineq akiorniarlugu suliniummit		Ingerlatsinermut tapiissutit	Suliffissaaleqineq akiorniarlugu tapiissutit
Qaanaaq	14		10	1.297.340	
Upernavik	35	20	10	1.411.534	600.000
Uummannaq	35	10	10	1.304.269	500.000
Qasigiannugit	36		10	1.296.177	
Ilulissat	65	40	10	1.797.118	1.300.000
Aasiaat	39	40	10	1.529.647	1.300.000
Kangaatsiaq	25		10	1.236.790	
Qeqertarsuaq	28		10	1.254.234	
Aqqutissiuussisunut					1.000.000
15-18-årige indsats	20 pers		10	1.285.000	
	<b>277</b>	<b>110</b>		<b>12.412.109</b>	<b>4.700.000</b>
<b>Katillugit/ I alt</b>		<b>387</b>	<b>kr. 4.557,5</b>		<b>17.112.109</b>

Suliffissaaleqineq akiorniarlugu suliniummut aningaasaliissutit aamma " Suliffeqanngitsunut iliuusissatut pilersaaruti pillugit Qaasuitsup Kommunia aamma Namminersorlutik Oqartussat"-mi allassimapput.

Qalipaas qasersoq Piareersarfinni suliffissaaleqineq akiorniarlugu suliniummit immikkut tapiissutaapput. Kapitali 7-imi nassuiaatigineqarput.

2) Suliffissaaleqisunut immikkut ittumik iliuuserisat

Aqqutissiuussineq pillugu inatsisip nutaap 1. januar 2014-imi atuutilersup inuusuttut 18-it tikillugit ukiulinnik aqqutissiuussinissaq pillugu meeqqat atuariisa aamma Piareersarfiit akornanni suleqatigiittuarnissap isumannaarnissaanik Piareersarfiit pisussaaffeqarnerinik erseqqissaavoq. Ilaatigut piareersarnermut aamma ikaarsaariarnermi aqqutissiuussinerup naammassineqarneranut tunngatillugu Piareersarfiit meeqqat atuariannik ikiorsiissapput, tamannalu piviusutigut makkununga tunngatillugu: periarfissat pillugit aqqutissiuussineq, inuusuttut ilinniagaannut atatillugu piumasaqaatit atugassarissallu, nangitsilluni ilinniarnarit, ilinniagassatut neqeroorutit pingaarutillit allat, ilanngullugit atuariup tunngaviusup inuusuttullu ilinniagarisaasa akornanni ikaarsaariarnermut atatillugu, kiisalu inuusutissarsiteqarnermi periarfissaasinnaasut. Tamatumunnga nangillugu suliffissaaleqisunut immikkut ittumik iliuuseqarnermi Qaasuitsup Kommuniani ukiuni missiliorfigisani 1.000.000 kr.-inik aningaasalikkamik immikkut aqqutissiuussisumik atorfinitsinnissaanut tapiissuteqartoqarsimavoq.



3) 15-iniit 18-it tikillugit ukiulinnut immikkut suliniuteqarneq

2013-mi Namminersorlutik Oqartussat immikkut suliniummik 15-iniit 18-it tikillugit ukiulinnut aallartitsivoq. Inuussutissarsiornermut, Suliffeqarnermut Niuernermullu Naalakkersuisoqarfik naliliivoq piviusorsiorpalaartoq nangissallugu atuagarsorfiunngitsumik neqeroorummik sumiiffimmut naleqqussakkamik ingerlatsisoqarsinnaasoq inuusuttunut 20-nut 2015-ip ingerlanerani. Ingerlatsisinissamut taamaattumut aningaasaliutigineqarput kr. 825.000 - atuagarsorfiunngitsumik neqeroortoqarpat isumaqatigiittoqarpallu.

Ikaarsaanermut aqqutissiuussinerit Qaasuitsup Kommuniani nunaqarfiini minnerpaamik qulinik 15-iniit 29-nut ukiulinnik innuttaasulinnut ingerlatissavai. Nunaqarfinni taakkunanani isumaliutigineqassaaq aqqutissiuussineq nunaqarfimmi imaluunniit illoqarfimmi pissanersoq. Aningaasaliutigineqarput kr. 20.000 taakkualu angalanissamut unnuinissamullu akiliutinut matussusiiisapput nunaqarfimmut ataatsimut Qaasuitsup Kommuniani kr. 460.000 (katillugit nunaqarfiit 23-it).

4) Qitiusumik qinnuteqarfissat

15-18-inik ukiulinnut tunngatitanik immikkut ittumik ilinniartussat pillugit agguassassani 2.000.000 kr.-usuni qinnuteqartoqarsinnaavoq. Ilassutitut ilinniartussat ilinniagaqarnermik imaluunniit suliffeqarnermik nangitsisoqarnissaq siunertarlugu faginut nalinginnaasunut aammalu allatut qinigassatut atuagarsornerunngitsunik ingerlassanut, kiisalu ilitsersuisarnernut atorineqassapput.

Piareersarfinni pisussani suliniutinut aningaasanik qinnuteqartoqarsinnaavoq. Agguassassat 1.550.000 kr.-upput, qinnuteqartoqarneratalu kingornatigut tapiissutigineqarsinnaapput.

5) Inernerisassatut anguniakkat

2015-mut anguniagaavoq Kiffartuussinissamik isumaqatigiissut naapertorlugu aqqissuussarisassat ingerlallugillu isumagineqartarnissaat. Tamatumani immikkoortoq pingaarutilik tassaavoq suliffissarsiuussisarfiup Piareersarfimmut ilanngutitinneqarnissaa, aammalu/imaluunniit kommunimi pineqartumi ilinniartitaanermut sammisut suliffeqarnerullu akornanni sapinngisamik pitsaanerpaamik suleqatigiittoqarnissaa.

Naatsorsuutigineqarpoq Qaasuitsup Kommuniani inuit ilinniagaqalernissamut piginnaasaqarnerulersussat imaluunniit suliffeqarnermut piareersimalersussat 2015-mi ukiunut siullinut naleqqiullugu amerliartulersimanissaat.

*Ilinniartitaanermi anguniakkat*

- Piareersarfimmi piginnaasaqarfigilikkamik ilinniagaqalernissamut 2014-mi naammassinnittut ikinnerpaamik amerlaqataat Piareersarfimmi 2015-mi naammassinnissapput piginnaasaqarfigilikkamik ilinniagaqalernissamut tiguneqarsinnaalerfiusumik.
- Inuit AEU-mik ilinniartut immikkoortunit aqqusaagassanit marluusuni minnerpaamik ataaseq 2015-mi angusiffigisimassavaat. Imaappoq, AEU-mi immikkoortoq 1-imut aamma/imaluunniit 2-mut angusisoqarsimassaaq.

*Ilinniartitaanermi pitsaassuseq*

- Kommunip Piareersarfimmi piginnaasalinnik sulisoqarnissaq isumannaassavaa.



- o Kommunip Piareersarfiup illutassai naapertuuttut isumannaassavai.
- o AEU atuutilersinneqassaaq ingerlateqqinneqarlunilu.
- o AEU-mi atuartunut qarasaasiat ikinnerpaamik 15-ini nutarteriigaallutillu internettimut attavillit atugassiisutaassapput. Qarasaasiat ilinniartitsissutit tigussaasumik atorneqarsinnaassapput.
- o Atuakkersuutit atugassiaassapput; Oqaatsit (ordbogit) oqaasivinnut tamanut, kalaallisut/danskisut, danskisut/kalaallisut, ordbogi, tuluttut/danskisut, danskisut/tuluttut, nudansk ordbog.
- o Inuusutissarsiornermut, Suliffeqarnermut Niuernermullu Naalakkersuisoqarfiup ilinniartitsinermit atugassiai atuartitsinermit atorneqarsinnaapput.
- o Kommune innersuussisarnermut ilitsersuinissamullu najoqqutassanik pilersitsillunilu atuilissaaq.

#### 6) Piareersarfinnut ingerlatsinermit tapiissutit

2015-mut ingerlatsinermit tapiissutit naatsorsorneqarput ataatsimut tassaassasut kr. 11.127.109.

Naatsorsuinermit agguataarinermut tunngaviupput:

Illoqarfiit	Ingerlatsinermit tapiissutit
Qaanaaq	1.297.340
Upernavik	1.411.534
Uummannaq	1.304.269
Qasigianguit	1.296.177
Ilulissat	1.797.118
Aasiaat	1.529.647
Kangaatsiaq	1.236.790
Qeqertarsuaq	1.254.234
<b>Katillugit</b>	<b>11.127.109</b>

1. februar 2015 nuunneqassapput kr. 8.901.687,20. Taakku matussutaassapput ingerlatsinermit ataatsimut tapiissutissat 80 %-iinut.

Ingerlatsinermit tapiissutissat sinneri 20 %-it 2.225.421,80 kr.-nit 2015-mi qaammatit pingasukkaartut sisamaanni akilerneqassapput, piunasaqaataallunili Qaasuitsup Kommuniani inernerisassatut anguniakkanik isumaqatigiissutaasunik naammassinninnissaa.

Malugineqassaaq ingerlatsinermit tapiissutit agguataarneqarneri illoqarfinnut missingersuutaammata. Kommuni nammineq aalajangersinnaavoq pisariaqartitsineq aallaavigalugu agguataarinissamut.

#### 7) Suliffeqanngitsunut iliuusissatut pilersaarutit 2015

Suliffissaaleqineq akiorniarlugu immikkut suliniuteqarnissamut Qaasuitsup Kommunianik isumaqatigiissutaareersoq innersuussutigalugu suliffissaaleqinermit immikkut iliuuseqarnissamut tapiliussatut isumaqatigiissut nassiunneqarpoq. Tapiliussatut isumaqatigiissummi pineqarput Piareersarfinni piginnaangorsaanernut atatillugu ingerlatanut kommunip aallartissimasaanut



aningaasanik nuussinissaq, kiisalu piginnaangorsasimanerit pillugit Piareersarfiup qanoq nalilersortassanera naalackersuisoqarfiup kissaatigaisi.

**Suliniutinut anguniakkat:**

Suliffeqanngitsunut immikkut ittumik iliuuseqarnissamut 2015-imi anguniagaavoq, Qaasuitsup Kommuni inuussuttut 110-it sannavinni piginnaangorsarnermik imaluunniit Piareersarfimmi atuagarsornermik AEU-mi piginnaangorsarnermik aallartitsissasut.

Illoqarfiit	Atuartut amerlassusii	Qaammatit amerlassusii	Ilinniagaqarnersiutinut aningaasaliissutit	Aningaasaliissutit		Aningaasaliissutit katinnerit
				Akissarsiat aamma atortussat		
				60 % - kr.	40 % - kr.	
Piareersarfiik atuagarsornermi/ sannavimmi piginnaangorsarneq <b>Ilulissani</b>	40	10 mdr.	1.600.000	780.000	520.000	2.900.000
Piareersarfiik atuagarsornermi/ sannavimmi piginnaangorsarneq <b>Aasianni</b>	40	10 mdr.	1.600.000	780.000	520.000	2.900.000
Piareersarfiik atuagarsornermi/ sannavimmi piginnaangorsarneq <b>Upernavimmi</b>	20	10 mdr.	800.000	360.000	240.000	1.400.000
Piareersarfiik atuagarsornermi/ sannavimmi piginnaangorsarneq <b>Uummannaq</b>	10	10 mdr.	400.000	300.000	200.000	900.000
Aningaasaliissutit katinneri			4.400.000	2.220.000	1.480.000	8.100.000

**Suliffissaaleqinmermi suliniutinut piunasaqaatit:**

Sannavimmi piginnaangorsarneq qaammatit 10-t angullugit sivissuseqarsinnaasoq inuussuttut 110-it malinnaaffigissavaat. Piginnaangorsarnerup aallartinginnerani peqataasunut tamanut iliuusissatut pilersaarutip sullarineqarnissaa Piareersarfiup isumagissavaa. Taamattaq makku aallaavigalugit sannavimmi sulinermilu ingerlatat nalilersorneqarnissaat naalackersuisoqarfiup kissaatigaa; inuit qanoq amerlatigisut piginnaangorsarnerup ingerlassimanerata naammassineratalu kingorna AEU-mi piginnaangorsarnermik, ilinniagaqarnermik aallartitsisimanersut, imaluunniit suliffeqarlersimanersut.



2015-imi kingusinnerpaamik 15. september Piareersarfiup sammisat ingerlasimaneri nalilersussavai, nalilersuinerlu elektroniskingorlugu naalakkersuisoqarfimmut nassutissallugu.

**Nalilersuineq marlunnik immikkoortoqarpoq:**

- a. Peqataasut piginnaangorsarsimasutut, sannavimmiissimasutut suliffimmilu sungiusarsimasutut nalunaarsorneqarneri. Paasissutissat regnearkimut naalakkersuisoqarfiup Piareersarfimmut nassiussimasaanut nalunaarsorneqassapput.
- b. Piginnaangorsaasimanerit nalilersorneqarneranni ilinniarsimasat ingerlanneqarsimasut ilinniartitsinermilu pilersaarutit kiisalu sannavimmiissimanermut suliffimmilu sungiusarsimanermut atatillugu ingerlatat naammassineqarsimasut pillugit pilersaarutit qitiutinneqassapput. Nalilersuineq Piareersarfiup ataasiakkaat pillugit siunissami qanoq naatsorsuuteqarnerluni naggasissavaa.

**Ad-a – Peqataasimasut nalunaarsorneqarnerini makku takutinneqassapput:**

- a. inuit qanoq amerlatigisut iliuusissatut pilersaarummik suliarinniffigineqarsimanersut
- b. piginnaangorsaanerit qanoq amerlatigisut ingerlanneqarsimanersut
- c. piginnaangorsaanerit qanoq ittut ingerlanneqarsimanersut
- d. inuit qanoq amerlatigisut piginnaangorsaanerimik naammassinnissimanersut
- e. piginnaangorsaanerim taamaatiinnartut, inuit amerlassusiinut, qanoq amerlatiginersut
- f. inuit qanoq amerlatigisut piginnaangorsarnermut, ilinniagaqarnermut ingerlaqqissimanersut kiisalu sulilersimanersut
- g. inuit qanoq amerlatigisut piginnaangorsaanerimik naammassinnereerlutik suliffissaaleqinersut, naqikkiartortarersut.

**Ad-b – Piginnaangorsaanerup ingerlasimaneranik nalilersuineq:**

Paasissutissat qulaani taaneqartut aallaavigalugit apeqqutit ataaniittut oqaaseqaateqarfigineqassapput isummernermillu naggaserneqarlutik.

Nalilersuinerim makku nassuiaatigineqarlutik ilanngunneqassapput:

Paasissutissat qulaani taaneqartut aallaavigalugit apeqqutit ataaniittut oqaaseqaateqarfigineqassapput isummernermillu naggaserneqarlutik.

1. Taamaatiinnartoqarsimappat suut pequtaasimappat?
2. Peqataasut misilitsinnermi angusisimangippata suut pequtaasimappat?
3. Piginnaangorsarnerup naammassereernerani peqataasut ilinniagaqarnermik aallartitsisimangippata imaluunniit sulilersimangippata suut pequtaasimappat?
4. Piginnaangorsaanerit, suliffimmi sungiusarnerit sannavimmiissimanerillu ineriartortittuarnissaat inuusuttullu siunissami piginnaangorsarnissamut pisariaqartitaannut tulluussartuarnissaat Piareersarfiup qanoq qulakkeerusuppaa?

Piareersarfimmi atuartitsisut pisortallu angusat pitsaasut pitsaavallaanngitsullu nalilersussavaat nassuiaateqarfigalugillu, ilinniartitaanerullu ingerlatallu qanoq ineriartortinneqarsinnaanersut pillugit siunnersuutit saqqummiussaqlutik, taamaalilluni peqataasut amerlanerit pisortanit



pilersorneqarnermit kaangariartorsinnaaniassammata. Nalilersuinermit ilanngullugu AEU-mut ilinniartitaanermut pilersaarutit kiisalu sannavimmiinnernut suliffimmilu sungiusarnermut ataillugu sammisat ingerlanneqartussat pillugit pilersaarutit kakkigullugit ilanngunneqassapput.

**Suliffeqanngitsunut suliniuteqarnermut ingerlatsinermit tapiissutit:**

Ingerlatsinermit tapiissutit katinneri 2015-imut ima naatsorsorneqarput:

Piareersarfimmi sammisanut **8.100.000,- kr.** Taakkunannga ingerlatsinermit tamanut aningaasat ilinniagaqarnersiutinut atugassat ilanngunnagit tapiissutit **tapiissutit 3.700.000,- kr.** Ilinniagaqarnersiutit meeqqanut tapit ilanngullugit katillugit amerlassuseqarput **4.400.000,- kr.** Ilinniartut allattorsimaffii naalakkersuisoqarfimmut toqqaannartumik nassiunneqareerpata, ilinniagaqarnersiutit qaammammukkaarlugit akilerneqartuartassapput. Aningaasat akilerneqartut Namminersorlutik Oqartussat ilinniagaqarnersiutinik ingerlatsivianut, USF, nuunneqassapput. Ingerlatsinermit tapiissutit ima agguarneqarput:

- Ulloq 1. januar 2015 nuunneqassapput kr. **2.220.000,- kr.** Aningaasat taakku ingerlatsinermit tapiissutit katinnerinit 60 %-it amerlaqatigaat.
- Sinneruttut 40 %-it amerlassuseqartut **1.480.000,- kr.** ulloq 1. oktober 2015 akilerneqassapput, aningaasanut inatsisip nutaap akuerineqarnissa apeqqutaatillugu kiisalu naalakkersuisoqarfiup kommunimit paasissutissat nalilersuinerillu 15. september tigusimariarpagit.

**8) Ilinniagaqarnersiuteqartussanut amerlassusiliinerit**

Qaasuitsup Kommunia ilinniagaqarnersiuteqartussanut ataatsimut aningaasaliiffiuvoq ilinniartunut qaammagini agguaqatigiissillugu qulini ingerlataqartunut 387-inut. Inuit ilinniagaqarnissamut piumasagaatinik naapertuisinnaareersut taakkunannga ilinniagaqarnersiuteqarsinnaanngillat.

Takuuk kapitali 1-i illoqarfinnut agguataarinerit.

Ilinniagaqarnersiutit 277-it USF-Ilinniagaqarnersiuteqartitsivimmut naatsorsorneqassapput, sinnerilu Inuussutissarsiornermut, Suliffeqarnermit Niuernermullu Naalakkersuisoqarfimmut suliffissaaleqineq akiorniarlugu suliniummit naatsorsorneqartassallutik. Nalinga kr. 4.400.000.

Qaasuitsup Kommunia suliassat matuma siuliini aqqinneqarnissaannut Namminersorlutik Oqartussanut akisussaatinneqarpoq.

---

Namminersorlutik Oqartussat sinnerlugu

---

Qaasuitsup Kommunia sinnerlugu